



Uunga Inatsisartunut ilaasortaq  
Steen Lynge  
Demokraatit

**Isertitsivimmi aqutsisut politiinut unnerluutigisaanerat pillugu § 37 naapertorlugu  
apeqqummut nr. 244-2019-imut akissut**

Asasara Steen Lynge

Apeqqtinnut qujanaq.

**1. Isertitsivimmi aqutsisut politiinut unnerluutigisaanerat pillugu Naalakkersuisut  
paasissutissanik pisimappat?**

Naamik.

**2. Taamaappat pineqartoq pillugu Naalakkersuisut paasissutissanik sunik  
pisimappat?**

Apeqqummut 1-imut akissut innersuussutigineqarpoq.

**3. Kalaallit Nunaata isertitsiviini tigummigallakkat imaluunniit eqqartuussatut  
isertitsivimmiittut pillugit nalinginnaq passussisoqartarpa?**

Apeqqutip uuma akineqarnissaasut Justitsministeriaqarfimmit ilanngussa q tulliuuttoq  
naalakkersuisoqarfiup tigusimavaa:

*"Apeqqtinut nr. 3-miit 6-imut akissutitut tulliuuttu Direktoratet for  
Kriminalforsorgen-ip ilisimatitsissutigai:*

*"Isertitsivimmi Nuummiittumi nutaami suliat aalajangersimasut marluk  
tusagassiuutitigut eqqartorneqarnerannut uiggiussaasut apeqqutit  
saqqummiunneqartut apeqqtinut tunngavilersuutini takuneqarsinnaavoq,  
tassani ilisimatitsissutigineqartut malillugit tigummigallagaasut marluk  
angajoqqaavisa isertitsivimmi pulaarnerminnut atatillugu nerisassanik  
imigassanillu isertitsivimmiittunut nassaassinissaminut itigartinneqarsimapput.  
Tunngavilersuutini takuneqarsinnaavortaaq angajoqqaat pineqartut  
isertitsivimmi aqutsisut politiinut unnerluutigisimagaat, pissutigalugu  
isumaqaramik nerisassanik imigassanillu nassataminnik isertitsiviup  
itigartinsinera tigummigallagaasunut allanut naleqqiullugu  
assigiinngisitsinerusoq.*

06-09-2019  
Sags nr. 2019 - 16313  
Akt. id. 11236296

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: iian@nanoq.gl  
www.naalakkersuisut.gl

Nuummi isertitsivimmi nutaami pulaartoqartillugu nerisassanik imigassanillu nassaqqusinnginnermik pisoqartarsimasoq ilisimagitsik Kalaallit Nunaanni Pinerluttunik Isumaginnittut ilisimatitsipput. Pisuni taakkunani pulaartut isertitsivimmilu sulisut akornanni pulaartilluni nerisassanik imigassanillu nassarsinnaaneq pillugu maleruagassat suut atuunnersut isumaqatigiinngissutaasimavoq. Kalaallit nunaanni isertitsivinni parnaarussanik pulaarnermut atatillugu nerisassanik imigassanillu nassarsinnaaneq inerteqqutaammat tassunga atatillugu maluginiarneqassaaq. Taamaattoq aalajangersimasumik naliliineq tunngavigalugu taamaaliortoqarsinnaanera akuersissutigineqarsinnaavoq, tamanna nassatat pisariaqartinneqartumik misissorneqarsinnaappata aatsaat pisinnaalluni.

Suliat ingerlasut ilisimagamikkut Kalaallit Nunaanni Pinerluttunik Isumaginnittut ilanngullugu ilisimatitsissutigaaq, tassani isertitsiviup aqutsisuata imaluunniit sulisut allat tigummigallarneqartunik imaluunniit eqqartuunneqarsimasunik eqqunngitsumik passussisimasinnaanerak politiiit misissorneqarpoq.

Tigummigallakkat imaluunniit eqqartuunneqarsimasut Kalaallit Nunaanni Pinerluttunik Isumaginnittut isertitsiviutaanniittut nalinginnaq passunneqarnissaat **inerteqqutaammat** Kalaallit Nunaanni Pinerluttunik Isumaginnittut aamma ilisimatitsissutigaaq, aamma tigummigallagaasunik eqqartuussaasimasunilluunniit eqqunngitsumik passussisimanermik, naalasseriitsuliornermik suliat tunngassutillit qaqtigoortuusut, taamaattoq pisartut ilisimatitsissutigalugu.

Kalaallit Nunaanni pinerluttulerinermi inatsit, nalunaarutillu inatsit naapertorlugu suliarineqarsimasut malillugit Kalaallit Nunaanni Pinerluttunik Isumaginnittut suliaat maleruagassiuunneqarput. Isertitsivimmi sulisut, matumani aqutsisut ilanngullugit, maleruagassat taakku tamatigut malissallugit pisussaaffigivaat.

Tigummigallakkat eqqartuunneqarsimasullu tamarmik pisinnaatitaaffimminnik ilisimatinneqartartut, matumani aalajangiinerit imaluunniit isertitsivimmiinnerminni pissutsit pillugit isertitsiviup aqutsisuinut imaluunniit Kalaallit Nunaanni Pinerluttunik Isumaginnittut qullersaqarfiannut naammagittaalliuutigineqarsinnaanerannik periarfissaat ilanngullugit, Kalaallit Nunaanni Pinerluttunik Isumaginnittut aammattaaq ilisimatitsissutigaaq. Tigummigallagaasunut eqqartuunneqarsimasunullu isertitsivimmi atugassarititaasunut pisinnaatitaaffinnullu naleqqiullugu ulluinaat peqqissaarnerpaamik maleruagassiuunneqarput. Atugassarititaasut pisinnaatitaaffiillu taakku nalunaarutini ilitsersuutinilu allassimasut, isertitsiviit sulisuinut tigummigallagaasunit eqqartuunneqarsimasunillu takuneqarsinnaapput. Assersuutigalugu isertitsiviit maleruagassaat atuuttut nassuiarneqarnerat nalornissutigineqalerpat, Kalaallit Nunaanni Pinerluttunik Isumaginnittut qullersaqarfiannit siunnersorneqarnikkut nalornineq pillugu erseqqissaanissaq ujarorneqassaaq, taakku isertitsivinnut tunngatillugu nakkutiginnillutik, nakkutilliillutik aamma ilitsersuisussaapput. Inatsisit nassuiarneranni nalornissutigineqartut aammattaaq sulisut aqutsisullu ataatsimiittarneranni ingerlaavartumik eqqartorneqartarput.

Kalaallit Nunaanni Pinerluttunik Isumaginittuni tjestemanditut atorfeqartoq tigummigallagaasut eqqartuunneqarsimasulluunniit pisinnaatitaaffiik unioqqutitsisimasoq pasillerneqarpat, taava taassuminnga suliamut atatillugu atorfimmuut tunngasumik oqaloqatiginnittoqassaaq. Kukkuluttortoqarsimasoq nalilerneqarpat, naalasseriitsuliorneq pissutigalugu iliuusereriikkanut kinguneqartitsisoqarnera tamatuma kingunerisinnaavaa. Tamatuma kinguneranik inuttaa uparuarneqarsinnaavoq, akiliisinneqarsinnaavoq taassuma akissarsiaanit ilanngaatigineqartumik, imaluunniit soraarsinneqarsinnaavoq. Kukkuluttornerup suunera apeqqutaatillugu sumik kinguneqartitsinissaq qinerneqassaaq. Tjestemandinut inatsimmi naalasseriitsuliorneq pissutigalugu kinguneqartitsisarneq allaaserineqarpoq. Sulisunut allanut tunngatillugu suliamut atatillugu atorfimmuut tunngasumik oqaloqatiginnittarneq aamma kinguneqartitsisoqassappat sulisunut kinguneqartitsinerit atorfilinnut inatsit malillugu ingerlanneqassappat.

Ingerlatseriaatsimi kukkunerit ilungersunartut pineqartillugit imaluunniit isertitsivimmiittunik eqqunngitsumik passussisoqarsimaneranik suliat nalunaarutigineqarsimasut suliarineqartarneri pillugit Kalaallit Nunaanni Pinerluttunik Isumaginittut ilisimatitsissutigaaq, suliat taamaattut Kalaallit Nunaanni Pinerluttunik Isumaginittut qullersaqarfiannit misissorneqartartut, aamma tamanna pisariaqartut nalilerneqarpat naalasseriitsuliorneq pissutigalugu kinguneqartitsinermik naggaserneqartartoq. Naalasseriitsuliorneq pissutigalugu kinguneqartitsisarnermik suliat Direktoratet for Kriminalforsorgen i Danmarkimut nalunaarutigineqartarput, aamma naalasseriitsuliorneq pissutigalugu kinguneqartitsinermik suliat tamarmik direktoratip internettikkut quppersaagaani kina pineqarnerisooq paasineqarsinnaajunnaarsillugu ukiumoortumik tamanut saqqummiunneqartarput. Kalaallit Nunaanni Pinerluttunik Isumaginittut pisortaat suliaminut atatillugu kukkuluttorsimappat, taava suliaq Direktoratet for Kriminalforsorgen i Danmarkimit misissorneqassaaq.”

Naalakkersuisunut apeqqutigineqartunut turingavilersuutini oqaatigineqartut pissutsit pillugit inuit pisinnaatitaaffisa unioqqutinneqarsimanerat pillugu ulloq 4. juli 2019 isertitsiviup nutaap pisortaanik aamma Kalaallit Nunaanni Pinerluttunik Isumaginittut pisortaanik unnerluussutinik tigusaqarsimallutik Kalaallit Nunaanni Politiit ilanngullugu ilisimatitsissutigaaq. Tassunga atatillugu Kalaallit Nunaanni Politiit aamma ilisimatitsissutigaaq unnerluutiginnittut ulloq 8. juli 2019 kalerrissimagitsik pinerluttuliortoqarsimannginnerata ilimanaateqannginnera pissutigalugu suliaq tiguneqarnissaa itigartitsissutigineqartoq. Tigummigallagaasunik imaluunniit eqqartuunneqarsimasunik eqqunngitsumik passussisimaneq pissutigalugu isertitsivimmi pisortap imaluunniit sulisut allat politiinit misissorneqarnerannik massakkut suliaqartoqanngitsooq, Kalaallit Nunaanni Politiit ilisimatitsissutigaaq.”

#### **4. Tigummigallakkanik eqqartuussatullu isertitsivimmiittunik nalinginnaq passussineq atorneqarsimappat, isertitsivimmi aqutsisut taamaalorsinnaatitaappat?**

Apeqqummut 3-mut akissut innersuussutigineqarpoq.

**5. Kalaallit Nunaata isertitsiviini allani piumasarsorneq aamma pisimava?**

Apeqquummut 3-mut akissut innersuussutigineqarpoq.

**6. Tigummigallakkanik eqqartuussatullu isertitsivimmiitanik piumasarsortoqassanngippat, tamanna qanoq iliornikkut pinaveersaartinneqassava?**

Apeqquummut 3-mut akissut innersuussutigineqarpoq.

Inussiarnersumik inuulluaqqusillunga



Martha Abelsen